



ODUNAM USEN EDERI

A Pastoral Ministry of the Members of the Society of St Paul

VOL. 01, NO. 22

4TH SUNDAY OF LENT (C) - Violet

30 MARCH 2025

ENTRANCE ANTIPHON

Edara ye Jerusalem, kpukpru mbufo emi emade enye Kpukpru mbufo emi etuade enye, edara idara ye enye Man mbufo ewap eba ndoghesit esie eyuho (*Isaiah 66:10-11*).

Oku: Ke Enyinq Ete ye Eyen ye Edisana Spirit.

Ufok: Amen.

Oku: Yak mfon Obon nnyin Jesus Christ, ye ima Abasi ye ebuana Edisana Spirit odu ye kpukpru mbufo.

Ufok: Ye Spirit fo nde.

Ndito ete (Iren ye Iban), eyak nnyin inyime ite idi mme anam idioknpkpa man otodo ibeje idem ndinam ndisana utibe-nkpka emi.

Mmayarede nno abasi andikpon nkan ye mbufo ndito ete mi (Iren ye iban), nte mmenehede nnam idioknpkpa, ke mme ekikere, ye ke mme ikwa mi, ke se nnamde ye se ntrede ndinam. Oto ke ndudue mi, oto ke ndudue mi, oto ke ata akwa ndudue mi; ke ntre mmebeje edisana Mary nsi-nsi virgin, kpukpru mme angel ye mme ndisana owo, ye mbufo ndito ete mi (Iren ye iban), nte ekpe obon Abasi nnyin ubok eno mi.

Oku: Yak Abasi andikpon nkan, atua nnyin mbom, adaharedo ke m'idiok npkpa nnyin, onyung ada nnyin ekesim uwem nsi-nsi.

Ufok: Amen

Oku: Obon tua nnyin mbom

Ufok: Obon tua nnyin mbom

Oku: Christ tua nnyin mbom

Ufok: Christ tua nnyin mbom

Oku: Obon tua nnyin mbom

Ufok: Obon tua nnyin mbom

EYAK NNYIN IBON AKAM

Obon Abasi, Afo emi anamde emem ke asanaja usun ye (nnyin) uduot owo oto ke Iko Fo, Mbok, nam – nnyin imebeje Fi – man mme Christian enehere ebeje-idem mmo, ke mbuotidem ye nwa-idem, k'abaja mme akwa usoro emi edide. Nnyin inam ebeje emi oto Eyen Fo Jesus Christ, Obon nnyin, emi odude onyung akarade ye Afo ye Edisana Spirit, Abasi, ke nsi-nsi nsi-nsi.

Ufok: Amen.

AKPA EDIKOT NWED

JOSHUA 5:9a. 10-12

Ibuot ikwa: Ndito-Abasi eduk k'isong ewong, enyung enim Passover.

Ndien Obon Abasi odoko Joshua, ete, Mfin emi mmakpat mbufo esuene Egypt ke idem mfep. Ndien ndito Israel ena ke Gilgal, enyung enam Passover ke song osun duopenan ke song ke mbubreyo, ye una-song Jericho. Ndien mmo edia mbungwum song oro ke edem usen Passover, kpa uyo eke leaven miduhe, ye edifop ibokpot, ke idem usen oro. Ekem manna etre ke edem usen nte mmo ema ekedia mbungwum song oro; ndito Israel inyung ikwe aba manna; edi mmo edia mbungwum song Canaan ke isua oro.

PSALM 34:2-3.4-5.6-7

Ibwa: Etabi enyung ese nte Obon songde..

Nyekom Obon Abasi kpukpru ini Ito esie eyesuk atak mi ke inua

Ukpɔŋ mi eyeda Ɖɔŋ Abasi obure mbure
Mbon nsukidem eyekop onyɔŋ edara 𐄂.

Mbufo etiene mi ekpono Ɖɔŋ Abasi
Eyak nnyin inyɔŋ itoro
enyiŋ esie ɔto kiet.
ŋkoyom Ɖɔŋ Abasi ndien
enye eyere mi
onyɔŋ osio mi ke kpukpru se ndigede 𐄂.

Mmo ekewuk enyin ese enye ndien
iso aŋwaŋade mmo
Ndien mmo ikwe but ke iso.
Enyen ukut emi ekeseme, ndien
Ɖɔŋ Abasi okop
Onyɔŋ anyan enye osio ke
kpukpru nnaneyin esie. 𐄂.

UDIANA EDIKOT NWED

2 CORINTHIANS 5:17-21

*Ibuot iko: Abasi akanamde nnyin itie ke
emem ye Enye ke Christ*

Ndito-ete: ntem edieke owo odude ke
Christ, ema ebote enye obufa; ɲkani ɲkpɔ
ema ebe efep: sese, emekabare edi obufa.
Edi kpukpru ɲkpɔ eto Abasi, emi akanamde
nnyin itie ke emem ye Enye ke Christ,
okonyɔŋ ɔto nnyin utom, ete nnyin inam
owo etie ke emem ye Enye; ete, ke Christ
Abasi ke ananam ererimbot etie ke emem
ye Enye, ke mibatke ndudue owo ino mmo;
okonyɔŋ emen iko erikabare nte ke emem
ye Enye esin nnyin ke ubok ete ikwɔrɔ.
Ntre ke nnyin idi mme isun-utom emi edide
ke enyiŋ Christ, nte ɲkpɔ eke Abasi adade
nnyin ekpe ye mbufo: imekpe mbufo ubok
ke ibuot Christ, ekabare etie ke emem ye
Abasi. Abasi akanam Enye emi mikɔfiokke
idiok-ɲkpɔ akabare edi idiok-ɲkpɔ ke ntak
nnyin; man nnyin ikabare idi edinen ido
Abasi ke Enye.

*Mkpɔ mfuho: Nyedaha eyɔŋ ntiene ete mi
nnyun ndɔho enye nte, Ete mmanam idiok
ndian heaven ye ke iso fo.*

ETIMBUK

LUKE 15 :1-3. 11-32

*Ibuot iko: Eyen-eka fo emi ama akpa, onyɔŋ
odu uwem*

Edi kpukpru mme publican ye mme idiok
owo ekasaŋa ekpere Enye, ndikop iko Esie.
Ndien mme Pharisee ye mme Scribe esuk
uyo ete, “owo emi adadara mme idiok owo,
onyɔŋ adia ɲkpɔ ye mmo.” Edi Enye otop
ɲke emi ɔto mmo, ete, “Owo kiet ekenyene
ndito-iren iba: ndien udo ɔdɔho ete esie ete,
Ete, no mi udeme ɲkpɔ eke edinyenede mi.
Ntem ke ete edeme inyene esie ɔto mmo.
Ibigike bigi udo atɔŋ kpukpru se enyenede,
adaha aka anyan idut; ndien do ke enye
asuan inyene esie ke eridu otime uwem.
Edi ke ini enye ama akasuan kpukpru ama,
ɔkpɔɔŋ akaŋ otibe ke idut oro; enye onyɔŋ
ɔtoŋ ndidu ke unana. Ndien enye aka
akadian idem ye eyen idut oro, enye oro
onyɔŋ ɔtoŋ enye aka iŋwaŋ ɔkobok mme
edi. Enye onyɔŋ oyom ndidia ikpɔk udia,
eke mme edi ediade, nyuhɔ; owo inyɔŋ
inoŋ enye ɲkpɔ, Edi ke ini enyin aŋwaŋade
enye, enye okut idem esie, ete, Sese, adan
ediwak mbio-utom ete mi enyene udia eke
awakde akan mmo ndidia; edi se mi mi,
mmoŋ ndikpa ye bioŋ. Nyedaha nnyun
ntiene ete mi, nnyun ndɔho enye nte, Ete,
mmanam idiok-ɲkpɔ ndian heaven ye ke
iso fo: ndotke aba ndikere eyen fo: da mi
nte owo-utom fo kiet. Ndien enye adaha
ke enyɔŋ etiene ete esie. Edi ke ini enye
odude kaŋa nsan-nsan, ete esie okut enye,
onyɔŋ atua enye mbom, efehe awan enye
ke itɔŋ, onyɔŋ otim enye inua. Edi eyen
ɔdɔho enye ete, Ete mmanam idiok-ɲkpɔ
ndian heaven ye ke iso fo: ndotke aba
ndikere eyen fo. Edi Ete ɔdɔho ikot esie
ete Ewara eda ata eti ɔfɔŋidem oro edisine
enye; enyɔŋ esine enye mkpaunem ke ubok
ye ikpa-ukot ke ukot: enyɔŋ eda eyen-enaŋ
emi emi enyenede isek ewot, eyak nnyin
idia inyɔŋ idat esit: koro eyen mi emi ama
akpa, onyɔŋ ɔtoŋ ntak odu uwem; enye
ama asop, ndien ikut enye. Ntre ke mmo
etoŋ ndinam mbre. Edi akpan esie odu

ke inwan: ndien nte enye asanade ekpere ufok, okop ikwo ye unek; ndien enye okot eyen-ufok kiet, obup enye se mme nkpo oro eworode. Enye oro odoho ete, Eyen-uka amafiak edi: ete fo ama onyuj owot eyen-enan eke enyenede isek, koro okutde enye ye nsan-idem. Edi akpan oro akpaha esit, inyuj inyimeke ndiduk; ntre ke ete esie oworo edi edikpe ye enye. Edi enye oboro ete esie ete, Sese, mmanam utom nno fi adaja ediwak isua emi, akanam nnyuj nnenike uyo fo: edi akananam afo unoro mi ndomo eyen ebote kiet, eten nda nnam mbre ye mme ufan mi: edi ke adajemi eyen fo emi ama ekedi, emi akadiade inyene fo ye mme akpara, afo ama owot eyen-enan eke enyenede isek ono enye. Edi ete odoho enye ete, Eyen mi, afo odu ye ami kpukpru ini, kpukpru se inyenede mi onyuj inyene fi. Edi odot nnyin ndidara nnyuj nnem esit, koro eyen-eka fo emi ama akpa, onyuj odu uwem: ama osop, ndien ikut enye.

MMENIM

Mmenim Abasi kiet ke akpaniko...

AKAM IKOT UFOK ABASI

Oku: Ete mbom ekenyenede ima abo eyen esie idiok udo. Abasi Ete nnyin akaiso ndidaharedo ono nnyin onyuj ada nnyin adian ke idem esie oto ke Jesus Christ Eyen Esie. Eyak nnyin ibon akam ibeje mfon ye edidiana kiet ye Enye, man nnyin ikpe inyene oyoho idara k'iso Esie

Iboro Edi (R): O Obon kop Akam nnyin .

1. Eyak nnyin ibon akam ino mme oku Abasi; yak nte mmo edide isuj-utom Christ, mmo enyuj ekpep ndito Abasi iko-Abasi ke eti usuj. *Nnyin imebeje Fi O Obon. R.*

2. Eyak nnyin ibon akam ino mmo emi edade usuj k'obio nnyin; yak mmo edi mme anam emem ye mfon ke nsio-nsio ebiet k'obio nnyin. *Nnyin imebeje Fi O Obon. R.*

3. Eyak nnyin ibon akam ino mmo emi eke ekutde ubiak ke ntak mbuotidem; yak mmo enyene unen ndi kut Abasi nte inyene mmo eke onyuj yak mbuotidem emi mmo eyenede aboho mmo. *Nnyin imebeje Fi O Obon. R.*

4. Eyak nnyin ibon akam ino idem nnyin; yak edisana spirit osio ke otu nnyin, nti ikot Abasi emi eyimede ndi yak uwem mmo nno Abasi ke ndisuan idara etimbuk. *Nnyin imebeje Fi O Obon. R.*

5. Eyak nnyin ibon akam ino mme ekikere efen (mbon udoro, utom ufok Abasi ye mme utom efen) *Nnyin imebeje Fi O Obon. R.*

6. Eyak nnyin ibon akam ino mme akpa-mkpa akpan-akpan mbon eke parish nnyin ye eke ubon nnyin; yak mmo eduk ke idara uwem nsi-nsi eyuj ebo nsi-nsi ndok odudu k'Obon. *Nnyin imebeje Fi O Obon. R.*

Eyak nnyin ibon akam ke ekikere ison esit nnyin

Oku: Abasi Ete nnyin, Afo edi enyene esit mbom ye ima, ke nsuharidem nnyin ibeje Fi eno ndikabarede esit man idi uwut nkpo ye Ntiense ke uwem emi. Inam ebeje emi Oto Christ Obon nnyin. Amen

AKAM EMI EBONDE EDORI MME ENO

Obon, nnyin imeda mme nkpo uwa emi ebode nsinsi erinyaja eno nnyin idi ke iso Fo ye inemesit, mbok, nam nnyin idot ndiwa mmo ke oyoho mbuotidem ye ukpono ke ufon ye erinyaja ofuri ererimbot. Oto Christ Obon nnyin.

Edisana Edisana Edisana !!!

UTIBE MKPO MBOUTIDEM

Nnyin imokworo mkpa fo, o Obon, inyuj isuan etop ediset fo tutu afo otoro ntak edi.

AKAM OBON

Ete nnyin, emi odude ke heaven,

Ukpono enyene enyinn fo;

Yak obio-ubon fo edi,
 Yak enam uduak fo k'ison.
 Nte emi enamde ke heaven.
 Nno nnyin mfin udia emi ekemde nnyin
 k'usen k'usen.
 Nyun daharedo ke mme idioknpa nnyin;
 Nte emi nnyin idaharedo ino mmo emi
 enamde nnyin idioknpa;
 K'unyun uda nnyin usin ke idomo.
 Edi sio nnyin fep ke s'idiokde.

EYEN ERON ABASI

Eyen eron Abasi, afo emen mme idioknpa
 ererimbot efep, tua nnyin mbom
 Eyen eron Abasi, afo emen mme idioknpa
 ererimbot efep, tua nnyin mbom
 Eyen eron Abasi, afo emen mme idioknpa
 ererimbot efep, nno nnyin emem.

ANTIPHON K'INI COMMUNION

Enyen mi, odot nnyin ndidara nnyun
 nnem esit, koro eyen-eka fo emi ama
 akpa, onyun odu uwem: ama osop, ndien
 ikut enye. (Luke 15:32)

AKAM KE INI COMMUNION OKUREDE

Obon Abasi, Afo emi esinde kpukpru
 owo eke edukde edi ke ererimbot emi ke
 unwana, mbok, nam yak uwana iso Fo
 ayama k'esit nnyin, man nnyin ikpekeme
 ndikere mbanja mme npa emi edotde
 enyun enemde Fi esit, nko ikponyun ima
 Fi ye ofri esit nnyin. Oto Christ Obon
 nnyin.

AKAM MBENEIDEM EDIDI MME BISHOP OFRI NIGERIA KE DIOCESE NNYIN, 2025

Obon Abasi, Ete nnyin, nnyin ndito ufok
 Abasi catholic ke ikot Ekpene Diocese,
 imokom inyun itoro fi ke kpukpru mme
 edidion emi afo onode nnyin toto eno
 nnyin Diocese emi. Nte Diocese nnyin
 ebenede idem ndibo kpukpru mme Bishop

ufok Abasi catholic ke Nigeria ke isua 2025,
 nnyin ke nsuharidem ibene fi ndidion se
 nnyin idomode ndinam, ye kpukpru se ubok
 nnyin anamde. Sin ima ke esit nnyin, man
 nnyin ikeme ndisio se inyenede ino ke eti
 esit, man eda ekama mme isenowo nnyin ke
 asana asana odunam emi. Obon mbok yak
 kpukpru ndito nnyin, iban ye erenowo ye
 mme nyene nti esit, ekut emi nte akwa ini
 ndiwut Abasi esit ekom ke kpukpru mme
 edidion esie. Mbok yak edidi mme Bishop
 ke Diocese nnyin, anam mbuotidem okori,
 anam nko ima nnyin, edidiana kiet ye
 emem nnyin onon ada. Obon, nnyin ibene
 fi ndino mme Bishop nnyin mfon usun
 isan, nte mmo edide enyun efiakde enyon
 ebiet emi mmo eketode, ke ema ekure
 akwa mboho mmo. Nnyin inam ebene emi
 ke mkpe ubok Edisana Virgin Mary, mme
 ndisana Philip ye James ye kpukpru mme
 ndisana owo. Nnyin ibene emi oto christ
 Obon nnyin. Amen.

MARCH 2025/APRIL 2025

(4th Week of Lent)

(Psalter Week 4)

31 Mon (V) Daniel of Murano

Is 65:17–21/Ps 30:2 and 4, 5–6, 11–12a /Jn 4:43–54

01 Tue (V) Hugh

Ez 47:1–9, 12/Ps 46:2–3, 5–6, 8–9/ John 5:1–16

02 Wed (V) Frances of Paola

Is 49:8–15/Ps 145:8–9, 13cd–14, 17–18/Jn 5:17–30

03 Thu (V) Richard of Chichester

Ex 32:7–14/Ps 106:19–20, 21–22, 23/ Jn 5:31–47

04 Fri (V) Isidore of Seville

Wis 2:1a, 12–22/Ps 34:17–18, 19–20, 21 and 23/Jn
 7:1–2, 10, 25–30

05 Sat (V) Vincent Ferrer

Jer 11:18–20/Ps 7:2–3, 9bc–10, 11–12/Jn 7:40–53

Imprimatur: + Camillus Raymond Umoh, Bishop of Ikot Ekpene

Published by: Society of St Paul

No.3 Atan Ikot Okoro, Essien Udim LGA, Akwa Ibom State

VISIT OUR WEBSITE

stpaulsonline.ng

CONTACT

07076960623